

## Universitätsbibliothek Paderborn

**Confessionale,|| In Qvo || Vniversa || Materia De ||  
Confessione Pec-||catorvm Apvd Catholicos || vsitata per  
Quæstiones explicatur**

**Eisengrein, Martin**

**Ingolstadii, 1577**

**VD16 E 795**

III. Quomodò naturali iure ad seruandum Secretum Confessionis teneatur  
Sacerdos.

**urn:nbn:de:hbz:466:1-30362**

Quomodo naturali iure ad seruandum  
secretum Confessionis tenetur  
Sacerdos?

Quæstio  
III.

Q Via iure naturæ tenemur proximum nō infamare, sicut nec illum in bonis animæ corporis, aut fortunæ lædere, quem sicut nos ipsos diligere tenemur, & illis velle, quæ nobis volumus. Quod ius Christus in Euangelio explicuit, dicens: Quæcunque vultis, vt faciant vobis homines, hæc illis facite &c. Constat autem nos velle famam nostram per alios non dilacerari, seu denigrari, Igitur neque Sacerdoti licebit contra ius naturæ alterius reuelare peccata.

Matth. 7.

SECVNDO præfatam Confessionem reuelare, est contra fidelitatem, quam seruare tenetur is, cui secretum aliquod commissum est, quale ab ipso confitente Sacerdoti committitur. Hanc autem fidelitatem seruare, de iure naturæ est, quod Scriptura sacra explicat, dicens: Qui ambulat fraudulenter, Prou. 11. reuelat arcana; qui fidelis est, celat amici cōmissum.

TERTIO est contra promissionem tacitè à Sacerdote factam, de celando secretum Confessionis: Non enim aliter peccator sua vitia occulta Sacerdoti panderet, nisi sciret Sacerdotem ad celandum huiusmodi Confessionem obligari; ac proinde tacitè videtur Sacerdos promittere se celaturum: Promissio-

## *Caput VII. De Secreto seu Sigillo*

missionem autem adimplere, sicut & iuramentum, de iure naturæ est, vt leges dicunt: Nil, scilicet, esse naturalius, quam pacta & promissiones hominum seruanda esse. Patet igitur, Confessionem de iure naturæ esse celandam.

*Quæstio Quomodo iure Diuino tenetur Sacerdos ad tenendum Secretum Confessionis?*

**R**espōsio. *Q*uod Confessio de iure Diuino celanda sit, hinc apparet; quia est iure Diuino instituta, & iussa, & per consequens hominibus necessaria; Sed iure Diuino teneatur non dare caussam hominibus, vnde Diuina instituta, & præcepta violentur; Hoc enim esset scandalizare proximos, de Matth. 18. quo dictum est à Christo: *Qui scandalizat vnum ex pusillis his, expedit ei, vt suspenderatur mola asinaria in collo eius, & demergatur in profundum maris.* Reuelare autem Confessiones, est dare caussam peccatoribus, qui famæ suæ Zelatores sunt, vt non confiteantur, vt patet. Cùm igitur hoc Sacramentum relapsis post Baptismum absolutè sit necessarium, ne eius vilescat vñs, iure ipso Diuino Confessionarius ad sigilli secretum obligatur.

Tùm etiam; quia D E V S, qui supremus Iudex est, celat & tegit peccata Sacramentaliter